

定興縣志卷十六

金石志

據拓本
采訪冊

北魏甄文

二種

人魏太和八年月日幽州范陽縣史小磁妻口氏銘記

康熙志云金大定中置縣解內鋤地得甄有字云云足

證此地為范陽縣屬也

大魏正光二年

泐作
歲次

辛丑四月

此下模糊
作廿日不確

戊戌朔

馮作
誤

幽州范陽郡涿縣人

此下馮有
二口非

鮮于高頭釵

馮作
鋪非記

前作涿縣功曹

泐泐此四字
馮作吐

將軍固安

此二字馮
作國使非

令

馮雲鵬曰趙鍾昆自京邸寄此拓本遺書云甄長不盈
尺博半之厚寸半嘉慶丙子定興修城掘得二甄識者
聞之往覓已失其一此甄又斷裂酥軟不可搨僅辨得
數字今藏北平張氏其文云云鵬案廿字似卅但卅曰
非戊戌戌下一字不可知吐蕃和三字可識議字存
小半姑補之又案正光二年北魏明帝卽位之六年也
兖州賈使君碑云神龜二年歲次己亥此在其後二年
則其剝蝕處爲歲次辛丑無疑考魏書四月庚子王繼
進爲太保壬寅崔光爲司徒公此戊戌當是廿日若卅
日不得有庚子壬寅矣但戊戌字亦模糊難定耳餘字

未見原甄姑識俟考

金石索

按此甄藏張大令槃家張滿城人寓定興甄長八寸弱寬三寸強正書四行形已斜裂字係用刀刻畫故其文劣不似他甄模範印成四月下隅似無字戊戌朔字甚明朔日戊戌則庚子是三日壬寅是五日與魏書無不合矣鮮于其姓高頭其名釗字疑銘字泐前史小磁妻甄文曰銘記此亦當是墓甄也縣下疑是功曹下一字泐又下似廂字固安令字亦甚明不知何以誤釋爲國使令彼殆未見原甄精搨之耳金石分域編謂是八分書亦誤

北齊石柱頌 八分書在石柱村高一丈九尺上有刻像
及題名下層四正四隅徧刻文字無撰書人姓名

標異鄉義慈惠石柱頌

夫至宗幽微非輕重可已挹其源大道沖曠何香晁所能
究其始自非旃檀在束甃似牛頭飛水騰虛瞥如釵股壹
月常圓十火恒備焉足致六師於河中集法軍於不退地
者也是已斧利雖盈不可濟其終身鞭樞責罪寧復救其
時困靡求度世之資而罰渥牛之厄穀賊不易可除摩屍
何由能待當須清淨六塵洗結煩惱行六波羅蜜具三不
退轉成熟秬米卽此誰興柔濡子草於茲何立無蒔善牙

之子而責寶池八流不入毗丘之苑欲悉律提之囿斯蓋
孤寒之守斫杖絕羽之向清天自可斷脅於長眠之地槃
錯於溟溟之水安能變三有而受樂出過壹切苦而已者
矣值魏孝昌之季塵驚塞表杜葛猖狂乘風閒發蟻集蜂
聚毒掠中原棄乾爲虜馬之池燕趙成亂兵之地士不芸
耨女無機杼行路阻絕音信虛懸殘害村薄鄰伍哀不相
及屠戮城社所在皆如麻亂形骸曝露相看聚作止山流
血如河遠近翻爲丹地仍有韓婁豹勃烏集驚危趣走薊
城鴟視藏戶遂復 王道重艱原野再絕由茲圯圻 皇
化未均矚我大 齊 神武 皇帝應期受命威靈自天

掃除兇醜廓清宇宙雄劍壹麾塵消万里飄迸之徒於斯
獲賴時有故人王興國七人等住帶口城皆宿乘美業渡
三灾而弗壞經八難而不朽無待梧止之訐自起大慈之
心非關驛庭之哭共發哀憐之念乃磬心相率駢車厯境
緣淥東西拾諸離骨既不能辯其男女誰復究其姓名乃
合作壹墳稱為鄉塋設供集僧情同親里於是乎人偷哀
酸禽鳥悲咽言念其酷誰不痛歟墳墓於斯遂有處焉其
時雖復公路遠通私塗尙阻百里絕烟投厝靡託仍有興
國市貴去來墓傍休歇塚側嗟同塋之因緣念往人之業
報遂興誓願賙給万有各勸妻孥抽割衣食負金提壺就

茲墓左共設義食以拯饑虛於後荏苒因構義堂武定二
年有國統 光師弟子沙門三藏法師曇遵稟資大德歷
承冲旨體具五通心懷十力常曰智惠救諸煩惱名盛南
州邀致無因有摩訶檀越大都督盧文翼范陽涿人也望
重寰中親交 帝室冲素起於弱年風槩闔於壯歲洞解
十号之方深達具足之海既承芳實朝夕敬慕久而通請
方致神座仍及居士馮升平居士路和仁等道俗弟子五
十餘人別立清館四事供養敷揚祕教流通大乘五冬六
夏首尾相繼鱗羽感其德音緇素服其惠了貴賤往來於
是乎盛便於此義深助功德時有 勅請法師始復乖阻

都督息士朗者蓋是鳳室之雛龍家龍子氣岸天邁風光
遠逸優游物外無已世務在懷昂藏自得寧將榮祿革意
直置逍遙正道坐卧清虛仍憂此義便爲檀越與善無徵
摧芳盛歲人百弗及四徒何仰馮居士昆者字牂平瀛州
高陽人本與法師同味相親造次不捨因請至此其人愛
善若流不忘朝夕重信如山行之必覆雅素清逸率有國
士之風器度閑閨義當吐納之遠諸子旣爲世宗五經足
稱軌物舉必由規動則成矩真言祕典幽途罔趣隨情立
教方便開張如彼鳴鐘應不能已如似懸流寫不知竭常
於此義專心扶獎壹愜旣迴衆情頓慕功業久存良實是

歸但餘慶難湏白駒易驗哲人其頽誰不悲仰天保八年
葬於義左因此刊勒冀永清音武定四年 神武北狩

勅道西移舊堂寥廓行人稍簡乃復依隨官路改卜今營
爰其經始厥堵靡立便有薦信弟子嚴僧安合宗夙藉道
因早通幽旨握鏡懷珠金聲玉振見善猶如不及聞惡恨
非千里重三寶其如天輕七珍同垢穢若父若子乃識乃
親或前或後非貧非富正向十方壹心大道氣與壹切合
衣生願共恒河聯口命各捨課田同營此業方圓多少皆
如別題俱若布金誓無退易長陸於茲爲洗浴之池平原
由此成福業之海今生來生現世去世百億千億有身無

身至功大業皆由此誠萬世不朽寔鍾斯德地其形勢也
左跨明武右帶長遼却負清泐面臨觀臺花菓綺迥懸同
鹿墅之苑棟宇叅差綽踰祗桓之舍軒駕馳彩類卿雲之
五色士女間雜狀丹素之紛披天保三季 景烈 皇帝
駕拍湯谷離宮義所時廡壹漉深蒙優贐有路和仁者字
思穆陽平清淵人也與馮生綢繆往日依隨法師聯翩積
歲昔遊青齊之地時号貞儒曾過淄潁之間世稱千里識
洞百家氏族宛若目口綜該六典經史併同掌物乃厭此
囂塵仍懷至業伏六賊於心中拔四虵於胃內吐納清虛
優遊正道窮智惠於德義場追散花於慈悲室卽於此義

專□□□而法師向并仁從衣屣蒙預內齋時經壹歲每
曰此義慙慙告請賴有勅許始得言歸於是獨主義徒
晨夜吐握寤寐驚拊巨細不違率過知命□□□婚娶首
垂白髮薦意弥厚良實行伏鄉閭德兼邑外乃脩造門堂
改創牆院寶塔連雲共落照呂爭輝薨宇接漢將危峯呂
鬱邈雖曰義坊無異茄藍□□□園何殊柰苑莊矣麗矣
難得而稱天保蚤蟲之歲長圍作起之春公私往還南北
滿路若軍若漢或文或武旦發者千羣暮來者万隊猶若
純陲之□□□窮舍利香積曾何云媿兼復病者給藥
死者塲埋齋送追悼皆如親戚仍曰河清遭滂人多飢斃

父子今張不相存救於此義食終不慙捨貴□□□□
城市此之□□孰可具而論之天保十季獨孤使君寬仁
愛厚慈流廣被不限微細有效必申便遣州都兼別駕李
士合范陽郡功曹皇甫遵□□□□首王興國義主路
和仁義夫田鸞磬劉子賢尹貳樂孔明遠張宗悅賈隋仁
孟阿鳳王世標賈定興鮮于洪圖鄭阿仲趙元伯鄭伯遠
趙士文□□□□子路梁曇尙賈孟良張思邕龐猛雀
張琳遵鮮于脩羅王元方宋子產董大邕鄭阿林楊邝仁
七十九人等具狀 奏聞時蒙優 旨依式標□□□□
年尋有苻下于時草創未及旌建河清二年故范陽太守

郭府君智見此至誠感降 天 旨喜於早舉明發不忘
遂遣海懿鄉重郡功曹盧宣儒口口典從來至義堂令權
立木柱以廣遠聞自余於今未曾刊頒新令普班舊文改
削諸爲邑義例聽縣置二百餘人壹身免役以彰厥美仍
復季常考列定其進退便蒙 令公據狀判申臺依下口
具如明案於是信心邑義維邨張市園牛阿邕李恒同呂
季秀楊景賓范崇禮龍牀良陳牀希王僧彫李遠口史苟
仁田元休韓仲珎蔡顯邕劉高貴李同遵孫阿長史茂貞
習定景周顯牀李惡仁李羅雲陳洪仙田牀彦董子彦范
貳興劉子剛趙黃頭史景遵傅子漢鮮于孟昌田子長合

二百人等皆如貢表悉是賢良可謂荆山之側白玉應生
麗水之濱黃金自出翩翩有泗上之風雝雝秉槐下之節
輕財重義衆意協和羽蓋莫不霄依飛軒靡不盡集此義
書契已來未之有也我 皇聖旣無名神不可測或瞻雲
歸附望氣來賓從復文景成康豈得同季而語哉 明使
君大行臺尙書令斛律 公名羨字豐落荆州部落人也
公累葉重輝其來自遠親踰梁鄧勳邁伊姜存意六韜
留心三略旣偏脫立代架谷爲城民安渠井之忻卒無擊
柝之慮威振六蕃恩加百姓駟馬入覲屢過於此向寺若
歸如父他還百里停滄屆義方食慰同慈母賚殊僧俗脫

駭解駕敬造 尊像抽捨珍物共造義倉達摩好施於前

公復

踵

福於後仍能不遺陋業曲照纖微每於斯義恒

存經紀慮木柱之易朽芳徽之不固天統三年十月八日

教下郡縣呂石代焉義士等咸敬竭愚誠不憚財力遠

訪名山窮尋異谷遂得石柱壹枚長壹丈九尺既類瑠璣

還如紺色庶其鐫美無窮流芳永扇車騎大將軍范陽太

守劉府君名仙字士逸定州中山人也公流馨積代軒冕

相仍稟性溫恭懷仁操義幼步紫庭爵倫華伍毗讚青岳

德聞

天聽

勅授鄙郡慈風預被

未

口下車

路由此

所口口義徒深加信敬將厲妻子減徹行資中外忻悅共

拯飢饉棄下之士翻同晉世馮翼進粥於茲更新莅政未

幾回澤沾濡境內滂洽枯榮口潤冀

鏤

徽猷以銘惠

化

郡

功曹釋壽者都督盧文翼之孝孫義舊檀越士朗之元子

體度口口舒卷從時敦崇禮義少慕父風每言先人析薪

豈不負荷者哉還爲義檀越志存世業財力匡究有建忠

將軍范陽縣令劉明府名徹字康買恒州高柳人也其人

世藉餘芳家傳冠蓋曉悟機變抱節歸誠入毗王室出宰

百里察姦超於西門慈政隆於浮屠濟上安民寔曰明君

仍好至理深慕清淨

愛

無頭眼惜非妻子曰石柱高偉起

功難立遂捨家資共相扶佐壹力旣齊衆情咸奮叫聲口

口長碣

峻

起無異

寶幢初建

梵音布於原墜法鼓新擊歌

噴遍於村邑但山挺萬尋尙有成壑之期海深千刃猶致

桑田之會未

如金石

壹鐫

共未

有而同有芳

音

銘注將百

代而常存乃爲頌曰

罔哉大業逖矣真人難逢難值誰識誰親口之靡際欲住
無因空瞻池水虛想金身飛河旣易騰火不難所嗟斧利
弗救饑寒法軍雖口終謝香檀來如口上空中試看真口
不口涅中取厄生亡環堵死無塚宅譬彼黃塵隨風阡陌
不識皮毛誰辯骸骼矚茲大聖虎據龍驤剪除羣醜再
立天綱千家如壹万里歸鄉云誰之力賴我神皇有茲